



Inatsisartunut ilaasortat Malik Berthelsen & Kim Kielsen, Siumut
/Maani

**Namminersorlutik Oqartussat inissiaataanni attartortittakkani
missingersuusiortarneq pillugu § 37 naapertorlugu apeqqummut nr. 2011-250-
imut akissuteqaat**

Asasara Kim aamma Malik

Aallarniutigalugu apeqqtigisasi pillugit qutsavigaassi. Siullermik apeqqtisi
issuarneqarput, tamatumalu kingorna akissutigallaqqarluni.

Naalakkersuisunut apeqqtit:

Najugaqarfinni immikkoortortaqaarfii qassit aammalu sorliit
atorunnaarsinneqarsimappat?

Sinerissami najugaqartut immikkoortoqaarfii naatsorsuuserinikkut
(aningaasaqarnikkut) assigiinngitsunut qassinut aggulussimappat?

Immikkoortortaqaarfinnik atorunnaarsitsinerup kingorna, ineqarnermut akiliutissap
ukiup tullissaanut annertussusilerneqarnissaanut, Inatsisartut peqqussutaanni
nr. 2-mi, 12. maj 2005-imeersoq tunngavigalugu missingersuusiortarneqarsaq
suli inatsisitigut piunarsaqqaataava? Taamaattoqarsimappat oquk pillugu
akitsuiniaraluarnermi missingersuutit suut tunngavigalugit
missingersuusiortoqarpa?

Najugaqartut immikkoortoqaarfii atorunnaarsinneqarsimappata, taava soq
sinerissami najugaqarfiit ineqarnermut 2011-imut 2012-imullu akiliutaasa
iluarsiivigineqartarneri assigiinngitsunik annertussusilerneqartarpat?

AKISSUT: Najugaqarfiit amerlassusaat arlaleriarlutik naliliiffigineqartarput
aammalu najugaqarfiit kattunneqartarlutik. Kingullermik 2010-mi
Namminersorlutik Oqartussat inissiaruarni inissiaataat attartortittakkat
kattunneqarput, natsorsuuteqaarfii arlalinngortinneqarlutik. Ineqarnermut akiliutit
naatsorsuutit tunngavigalugit aalajangersarneqarput, taamaalilluni ineqarnermut
akiliutit aalajangersarneqarnerini inissiat isaterneqartussat, inissiat
iluarsanneqarsinnaasut iluarsanneqartussallu, kiisalu inissiat ingerlaavartumik
aserfallatsaaliorneqartut ingerlalluartullu eqqarsaatigineqartussaallutik.
Najugaqarfiup naatsorsuuseriviini ineqarnermut akiliutit inissianut
ataatsimoortunut nammaqatigiiffiusumik aalajangersarneqartussaapput.

Ineqarnermut akiliutit najoqqutassiaq, ilaatigut inissiap siunissami
iliuseqarfigineqarnissaa maannakkullu pitsaassusaa eqqarsaatigalugit
aalajangersagaapput. Tamatuma saniatigut naatsorsuuteqaarfii ataasiakkaat
akornanni nammaqatigiinnissaq najoqqutassiami tunngavigineqarpoq.

25. januar 2012
Sagsnr.: 2011-059848
Dok.nr.: 804284

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: aan@gh.gl
www.nanoq.gl

Taamaalilluni maannamut periaasiusimasoq, inissianik najugaqarfinnut minnerusunut, tamarmik immikkut namminneerlutik aningaasaqartunut agguaaffiusartoq qimanneqarpoq.

Naatsorsuuteqarfinni 15-iusuni ineqarnermut akiliutit assigiinngitsorujussuupput, 2011-mi assersuutigalugu inissiamut 75 m²-nik angissusilimmut akiliut 3.537 koruuniniit 4.449 koruuninut allanngorarpoq. Ineqarnermut akiliutinut najoqqutassiami aalajangersarneqartumi assigiinngissut taanna ukiut qulit ingerlanerani annikilliarortussaavoq.

Naatsorsuuteqarfinni 15-iusuni, illoqarfiit 13-it ilaaffigisaanni, 2012-imut missingersuutit ilannguppakka, illoqarfinnut allanut ataasiinnarmik naatsorsuuteqarfiusunut sanilliullugu nuummi naatsorsuuteqarfiit pingasuullutik. Naatsorsuuteqarfinni tamani oqummik ajornartorsiuteqartoqarmat, tamanut qaffaanissaq A/S Inissiaatileqatigiiffik INI-mit siunnersuutigineqarpoq.

A/S Inissiaatileqatigiiffik INI 14. december 2011-mi ilisimatitsivoq: *"Uagut [INI:aaqq.] missingersuutit suliarisarpavut, tassanilu aningaasat qanoq amerlatigisut oqummik akiuiniarnermut atorneqassanersut missiliortarparput. Aningaasat maannamut suliaasartunit ilisimaneqartunit, katillugit 16 mio. koruuninut missiliorneqartunit amerlanerusut inassutigissavagut. Assersuutigalugu ukiumut 25 mio. koruunit siunnerfigigutsigit, m²-mut 5 koruunit sinnilaassavaat, tassalu inissiamut 64 m²-nik angissusilimmut qaammammut qaffaat 330 koruunit missaanniissalluni. Inissiamut 100 m²-nik angissusilimmut qaffaatissaq 500 koruunit missaanniissaaq. Inissiarsuarni inissiat 100 m²-nik angissusillit ikittuaraapput – inissiat katillugit 400-ngajaallutik. Tassalu taakku m²-mut 500 koruunit sinnerlugit akitsussapput.*

Uagut [INI:aaqq.] maannakkorpiaq 16 mio. koruunit missiliorneqartut missingersuutit ilanngutissagutsigit, m²-mut 3,30 koruunit missaannaanniittut naammagisinnaavavut. Tassalu inissiamut 64 m²-nik angissusilimmut qaffaatissaq 210 koruunit missaanniissaaq, inissiamut 100 m²-nik angissusilimmut qaffaatissaq 330 koruunit missaanniissalluni. Tassalu taamaallaat inissiamut 151 m²-nik angissusilimmut qaammammut qaffaatissaq 500 koruunit sinnerlugit annertussuseqartussaavoq, nunalu tamakkerlugu inissiat taamaattut ikittuaraannaapput."

Oqummik akiuiniarnissamut ineqarnermut akiliutit qaffatsinneqannginnissaannut aalajangerneq eqqarsaatigalugu, A/S Inissiaatileqatigiiffik INI tamanna pillugu nalunaarfigineqarpoq.

Naggasiutigalugu ilisimatitsissutigisinnaavara, ineqarnermut akiliut aningaasartuutinit aquneqartutut oqaatigisaratsigu. Tassalu siullermik inissiamik aqutsisoq (aamma taanna attartortitsisuusinnaavoq) missingersuusiusaaq, taannalu inissiat ukiuni tulliuuttuni ingerlannissaanut aningaasartuutissanik pisariaqartinneqartunik tamanik, kiisalu aqutsinermut akiliutissanik illuartitassanillu imaqassaaq.

Taamaalinerani aqutsisoq ukiunut tulliuttunut missingersuutini pigisaqassaaq, taakkulu attartortitsisumut (inissiamik piginnittumut) akuerisassanngorlugit saqqummiunneqannginnerminni najugaqarfiup siulersuisuinut – najugaqarfik taamaattumik peqarsimappat – oqaaseqarfigisassanngorlugit saqqummiunneqassapput.

Najugaqarfimmi siulersuisut ingerlatsinermut missingersuutini sinaakkusiussat iluanni attartortitsisup najugaqarfimmi aserfallatsaaliugassat nutartigassallu suliarisariaqagai, najugaqarfimmi init ataatsimoorussat ingerlanneqarnerat atorneqarnerallu aammalu najugaqarfimmi sunngiffimmi sammisaqartitsivinnik assigisaannillu pilersitsisinnaaneq pillugu siunnersuuteqarsinnaapput. Missingersuutini aningaasartuutissanik paaasinnaanngilaq.

Najugaqarfimmi ataasiakkaani naatsorsuuteqarfiusunilu ukiunut tulliuttunut ingerlatsinermut missingersuutit tunngavigalugit ineqarnermut akiliutit ukiumoortumik aalajangersarneqartarput. Attartortunut ataasiakkaanut qaammatinik pingasunik sioqqutsisumik allakkatigut nalunaaruteqarnikkut ineqarnermut akiliutit qaffanneqarsinnaapput. Ineqarnermut akiliutit appartinneqarnerini siumoortumik nalunaaruteqartoqartariaqanngilaq. Attartornermut akiliutit aalajangersarneqartarnerannut, ineqarnermut akiliutit iluarsineqartarnerinut aqutsinermullu maleruagassat inissianik attartortitsisarneq pillugu Inatsisartut peqqussutaanni nr. 2-mi, 12. maj 2005-imeersumi §§ 28-miit 32-mut takuneqarsinnaapput.

Inussiarnersumik inuulluaqqusilluta

Jens B. Frederiksen

Naatsorsuuteqarfiusuni 15-ini 2012-imut missingersuutit.